

欽定天文正義

欽定天文正義卷六

象占總論

象占總論

史記天官書太史公曰自初生民以來世主曷嘗不歷日月星辰及至五家三代紹而明之內冠帶外夷狄分中國為十有二州仰則觀象於天俯則法類於地天則有日月地則有陰陽天有五星地有五行天則有列宿地則有州域三光者陰陽之精氣本在地而聖人統理之幽厲以往尚矣所見天變皆國殊窟穴家占物怪以合時應其文圖籍祲祥不法是以孔子論六經紀異而說不書至天道命不傳傳其人不待告告非其人雖言不著昔之傳天數者高辛之前重黎於唐虞羲和有夏昆吾殷商平咸周室史佚長弘於宋子韋鄭則裨

竈在齊甘公楚唐昧趙尹舉魏石申夫天運三十六歲一小變
百年中變五百載大變三大變一紀三紀而大備此其大數也
為國者必貴三五上下各千歲然後天人之際續備太史公推
古天變未有可考於今者蓋略以春秋二百四十二年之間日
蝕三十六彗星三見宋襄公時星隕如雨天子微諸侯力政五
伯代興更為主命自是之後衆暴寡大并小秦楚吳越春秋
也為疆伯田氏篡齊三家分晉並為戰國爭於攻取兵革更
起城邑數屠因以饑饉疾疫焦苦臣主共憂患其察祲祥候
星氣尤急近世十二諸侯七國相王言從衡者繼踵而皋唐
甘石因時務論其書傳故其占驗凌雜未鹽二十八舍主十

二州斗秉從之所從來久矣秦之疆也候在太白占於狼弧吳楚之疆候在熒惑占於烏衡燕齊之疆候在辰星占於虛危宋鄭之疆候在歲星占於房心晉之間疆亦候在辰星占於參罰及秦并吞三晉燕代自河山以南者中國中國於四海內則在東南為陽陽則日歲星熒惑填星占於街南畢之其西北則胡貉月氏諸衣旃裘引弓之民為陰陰則曰太白辰星占於街北昴主之故中國山川東北流其維首在隴蜀尾沒于勃碣是以秦晉好用兵復占太白太白血中國而胡數侵掠獨占辰星辰星出入躁疾常主喪狄其大經也此更為客主人熒惑為客外則理兵內則理政故曰雖有明天子必視熒惑所在諸

侯更彊時菑異記無可錄者秦始皇之時十五年彗星四見以
者八十日長或竟天其後秦遂以兵滅六王并中國外攘四夷
死人如亂麻因以張楚並起三十年之間兵相駢藉不可勝數
自蚩尤以來未嘗若斯也項羽救鉅鹿枉矢西流山東遂合從
諸侯西坑秦人誅屠咸陽漢之興五星聚于東井平城之圍月
暈參畢七重諸品作亂日蝕晝晦吳楚七國叛遂彗星數丈
天狗過梁野及兵起遂伏口流血其下元光元符蚩尤之旗再
見長剛半天其後市師師四出誅夷狄者數十年而伐胡尤甚
越之亡熒惑守斗朝鮮之拔星芾於河戒兵征大宛星芾搖搖
此其孽證大者若至委曲小變不可勝道由是觀之未有不

先形見而應者也夫自漢之為天數者星則唐郝氣則王朔占

隨之

歲則魏鮮故甘石歷五星法唯獨熒惑有反逆行逆行所守
及他星逆行日月薄蝕皆以為占余觀史記考行事百年之
中五星無出而不反逆行反逆行嘗盛大而變色日月薄蝕行
南北有時此其大度也故紫宮房心權衡咸池虛危列宿部星
此天之五官坐位也為經不移徙大小有差潤狹有常水火金
木填星此五星者天之五佐為經緯見伏有時所過行贏縮有
度日變修德月變省刑星變結和凡天變過度乃占國君彊大
有德者昌弱小飾詐者亡太上修德其次修政其次修教其次
修禳正下無之夫常星之變希見而三光之占極用日月暈適

雲風此天之容氣其發見亦有大運然其與政事俯仰最近大
人之符此五者天之感動為天數者必通三五終始古今深觀
時變察其精粗則天官備矣

漢書天文志經星常宿中外官皆有州國官宮物類之象其伏
見早晚邪正存亡虛寔潤涸及五星所行合散犯守陵歷關食
彗孛飛流日月薄蝕暈適背穴北珥虹蜺迅雷風祲怪雲變
氣此皆陰陽之精其本在地而上發於天者也政失於此則變
見於彼猶景之象形響之應聲是以明君觀之而寤飭身正事
思其咎謝則禍除而福至自然之符也

唐書歷志曰由歷數之中以合辰象之變觀辰象之變反求歷

數之中類其所同而中可知矣辨其所異而辨可知矣其循度則合於歷失行則合於占占道順成常執中以追變歷道逆數常執中以俟變知此之說者天道如視諸掌

按孔子論六經記異而說不書至天道命不傳傳其人不待告告非其人雖言不者由是觀之天文之義難言之矣蓋自重於義和以未諸言天數者書不盡傳在漢時存者巫咸甘石三家而已至若西漢唐都王朔京房李尋之徒東漢郎顛襄楷張衡蔡邕之屬皆長於天文舊異魏晉南北朝亦世有其人唐則李淳風一行等各有論著皆不盡傳於世宋金元明天文之術寢以益微惟歷代正

史畧記時變而術家則有若唐開元占觀象托占天元玉
歷祥異賦精義賦天文會通管窺輯要等書今閱其全
文或祿祥不法或凌雜未鹽有非辨儒所道聖法所許
故往往有其占無其應倘欲據以彰往察來殆無異于
叩槃捫燭之見也夫信者既不傳傳者又不可必信則先
推明乎理數之常而後審擇其象占之變明其常則不惑
於術數之矯誣審其變則不遺夫觀文之本意若夫欽
若昊天克謹天戒則又通乎常變而為聖人統理之大
權而天官家言之所以不廢者亦在乎此矣

欽定天文正義卷七

天占

天占

史記天官書天運三十歲一小變百年中變五百載大變三大變一紀三紀而大備此其大數也為國者必貴三五上下各于歲然後天人之際續備

凡天變過度乃占

宋史天文志夫不言而信天之道也天於人君有告戒之道馬示之以象而已故自上古以來天文有世掌之官唐虞羲和夔昆吾商巫咸周史佚甘德石申之流居是官者專察天象之常變而述心告戒之意進言於其君以致交修之儆馬易曰天垂象見吉凶聖人則之又曰觀乎天文以察時變是

是也然考堯典中星不過正人事時以興民事夏仲康之世
亂征之篇乃季秋月朔辰弗集于房然後日食之變昉見
於書觀其數義和以倣擾天紀昏迷天象之罪討之則
知先王克謹天戒所以責成于司天之官者豈輕任哉箕子
洪範論休咎之徵曰王省惟歲卿士惟月師尹惟日庶民
惟星星有好風星有好雨禮記言體信達順之效則以天
降膏露先之至於周詩屢言天變所謂昊天疾殛威敷于
下土又所謂雨無_底極傷我稼穡正月繁霜我心憂傷以及彼
月而微此日而微燿燿震電不寧不令孔子刪詩而存之
以示戒也他日約魯史而作春秋則日食星變屢書而不

為煩聖人以天道戒謹後世之旨昭然可觀矣

天變色

晉書天文志洪範傳曰清而明者天之體也天忽變色是謂易常

觀象玩占天忽變色不出八年有戰兵 天色赤黃如

火濁氣四塞天下閉翳絕道 天日入時忽有赤光燭

地行人有影有反者 天晝晦臣制君晝晦見星國亡

天沉陰日月無光晝不見日夜不見星有雲障而無雨

此謂君臣俱有陰謀若雨敵相當則為陰相圖議若晝

陰夜月出為君謀臣夜陰而晝日出為臣謀君夏侯勝

曰天久陰而不雨臣下有謀土者

管窺輯天以輕清為體色變昏黑者君不明慘白為喪
憂赤如火血為兵起黃為土功興慘黃大風災天色慘白
昏蒙遊氣往來蔽覆日月失色必有蔽主明者黃氣
四塞天下濁亂兵災俱起

天裂

史記天官書天開縣物集解孟康曰謂天裂而見物象
天開示縣象

晉書天文志天裂陽不足是謂臣疆 天裂見心兵起

開元占天鏡曰天以冬裂天下大兵有陰謀主喪春秋言君
臣懷憂夏冬言有大兵

觀象玩占天裂下人而言者善惡如其言 天裂見牛
馬豕天子庶民皆憂 天裂見光流血滂滂

天鳴

史記天官書天鼓有音如雷非雷音在地下及地其所往
者兵發其下

晉書天文志天鳴有聲至尊憂且驚

觀象玩占京房曰萬姓勞厥妖天鳴一曰天鳴如風水
相薄亂臣作人主憂一曰天鳴其下有立王一曰刑殺失

當民流亡

天雨異物

蘇軾喜雨亭記雨麥於岐山之陽其占為有年 開元

占易飛侯曰天雨膏其國有急 天雨血流染衣其國

亡若戮 天雨金錢大兵入 天雨水其國大疾 天雨五

穀其國大飢 天雨梳其國有權 天雨釜斃其國大飢

天雨隰其君有咎 天鏡曰天雨如水銀是謂刑枉兵喪

並起 天雨絲帛天下有兵喪不出六年兵起且懼 天雨

布帛為兵喪

觀象玩占凡天雨下物非人所聞見者皆大兵之兆其災

見所主國分 天雨土君失封五行傳是謂黃青土失其性也百姓勞苦而無功易飛侯曰主不安外戚有謀 天

雨石民流亡兵起甘氏曰無雲而雷隕石墜地大及一文形如雞子雨頭銳名曰天鼓所下之邦必有大戰伏屍數萬不可救 天雨沙民饑 天雨灰民其國亡 天雨禽獸是謂不祥不出三年其下兵起一曰民流亡有喪 天雨人是謂

凶殃 天雨魚鼈民流亡臣專政有兵喪 天雨蟲其國

兵災並起 天雨你是謂陽濟不出三年有內爭易飛侯

曰師將破亡一曰其國大飢 天雨筋其國大飢 天雨膏

將敗國有意 天雨肉有兵亂 天雨血是謂天見其妖不

出三年兵起 天雨毛貴人憂征伐繁興戶口彫散國飢民
流下人相食一曰大風為災天鏡占曰天雨毛羽有喪不出
九年兵起易晁侯曰天雨羽毛大風為災 天雨爵錫為飢
荒爵錫如甘露着樹白者甘露黃者爵錫 天雨赤雪
有大兵起大戰有國亡 天雨金鐵是謂刑罰有餘不出一
年兵起於朝 天雨錢其國大飢有兵亂或雨于人家其家
有大殃 天雨金銀鐵花兵將興 天雨絮兵起 天雨布
帛兵喪並起人流無所 天雨繡杖如麻茅脆若地毛大
飢人流有積骸 天雨墨臣下有陰謀 天雨如杵臼其
國飢 天雨如釜甄歲大豐稔其形如小錢許大或從地

中出其中有如小麻黍粟大世人謂之蒸餅豐稔之徵也
天雨筮國大飢 天雨戟不出三年兵起 天雨五穀是謂
禾不熟京房曰天雨五穀是謂慈祥不出一年人民流亡
天雨粟不肖者食祿三公易位 天雨黍為政者去他
國有死將 天雨草其歲人多兵死易飛侯曰天雨草國
有殃民破亡 天雨木其歲多風五穀傷民多死一曰人
多兵死 天雨花國有喪凡言天雨器物皆其形似非真
此物也會見下黑雨落地皆成墨水麥遭之者皆腐此
其所謂雨墨者也

天火

觀象玩占天下火焚燒是謂大殃民人逃亡莫知其鄉

天火燒國郭門其地有謀將發 天下火燒邑城門其邑

圍 天火焚宗廟社稷其國將亡 天火荐燒民社倉大

兵方起 天火燒山阜民不安其居 天火燒野五穀國

將亡 天火燒大木嘉兵起六月降霜 天火燒牛馬其

邑有兵屠裂 天下火音如雷鼓臣下有謀

欽定天文正義卷八

地占

地占 山水占

禮記禮運地秉陰竅於山川

史記天官書地動圻絕山崩及徙

按漢書作陸

川塞豁坎水澹

澤竭地長見象城郭門閭闔集枯槁

按漢書作枯槁

宮廟邸第

人民所次諺俗卓服觀民傲食五穀草木觀其所屬倉

府廩庫四通之路六畜禽獸所產去就魚鼈鳥鼠觀其

所處鬼哭若呼其人逢悟化言誠然集解徐廣曰土雍曰

坎闕案孟康曰谿谷也坎崩也蘇林曰坎流也

按漢書如淳曰坎填塞不

通索隱悟也劉伯莊曰逢悟謂相逢而驚也悟亦作逢音同

化當為訛字之誤耳

開元占淮南子曰重濁者淹滯而為地聖證論曰孔昆云
普天之下華嶽列居河海所流邱陵墳衍總為之地素問
曰積陰為地故地者濁陰

觀象玩占地者積陰以靜為體

地震

開元占京氏曰地動陰高高者為下下者為陽任小人為上
宰置君子於下位此陰高而陰陽卑也故反也害及大人
觀象玩占地震動者陰有餘也主弱臣彊后妃專政外戚
擅權陽伏而不能出陰迫而不能出陰陽相搏故地震動
地動民不安地震以六癸陰極之干或在己亥陰陽氣窮

之日皆主兵起殺戮之事震於陽歲則孰震于陰歲則人
災不孰震于陰極亥日則兵飢震于陽極巳日則有兵而歲
熟君弱臣強則地震於春夏臣欲篡叛則震於秋冬皆陽
失而陰盛之兆也地動驚禽獸京房曰米貴物不收盜賊
起不出二年地動壞城郭京房曰天下亡地地動寢室天
下兵行地動獨於宗廟朝廷國有亂臣地動搖木震水波
臣專政地動有赤水出司馬出戮地動殺人賊臣為暴地以
春動歲凶夏動人主憂五穀不熟秋動兵起冬動其邑有
土功一曰大水地動有聲其地大崩地動十日以上大兵起
地動三年其國民流地動千里是謂陰盛陽衰國有喪一

曰不出三年兵起地動者民擾也軍中地動有大戰有反軍
一曰軍中地震往彼軍利以攻擊震入我軍宜固守

地折

禮記月令季秋行冬令土地分裂註大寒之時地隆折也疏
正義曰土地分裂地災仲冬之月地始折

開元占漢舍孳曰大夫專權邱陵地折京房易傳曰地折裂
者臣下分離不肯相從災至王公

觀象玩占地動而折有意令近臣謀兵草興傳曰地折裂士
庶分離大臣專恣京房曰陰背陽則地折又曰地折者臣不
相附天下分離之象也潛潭已曰地裂下分威一曰地裂大

水溢地裂有聲天下不寧兵起國易主一曰急兵起京房占
曰地劈於邑城毀廢地劈于朝天下有大兵其邑亡春夏無
傷地劈於宮殿社稷亡地劈社稷及大祠其下邑有大殃一
曰大兵起地劈於邱冢民大死亡地裂市邑其分有殃地鏡
曰地劈在城門驕臣從中起邑有謀兵在社稷有大兵在市
里人居不出三年兵起國憂在大道中王道絕有分地而居
者一曰天下不通地劈見雜物皆為兵起地裂見水兵起
國災地秋裂民流亡冬裂其國邑亡夏裂五穀貴地裂
劈而鳴君不任政臣令行地劈有音洵洵天下動搖

地陷

觀象占 鏡占曰地自陷天王亡地 一曰陰吞陽下相屠一

曰主勢奪地鏡占曰地無故自陷天下兵亂大水易妖占曰
地陷君亡地陷城坑或為池不出一年兵興人家地自陷其
人亡地鏡曰地春陷大水魚行人道夏陷其國有兵亦有非
常之水秋陷大兵冬陷有兵大水一曰地冬春陷民飢易妖
占曰地自陷下以正月國有大事三月大水且自五月天下
有兵民離其鄉六月大水穽至七月兵天行下兵大行八月
天下動搖九月天下有亡君十月天下有兵十一月有水兵
且行十二月大水民流傷軍中地忽自陷主將憂死急徙之
邑沒而成溝是謂陰反陽不出二年女子有爭為主后者

邑廢而為柘陵，佞人與賢人爭權，不出一年，其邑亡。邑滅而成土，與屋同高，是謂陰掩陽，不出一年，天兵興，陵塚自陷。天
下移

地鳴

開元占地鏡曰：地中訇訇有聲，人君好興兵相攻。觀象玩
占地鳴，天下起兵相攻。地中洶洶有聲，京房曰：是謂凶祥。
其地有殃，塚鳴，天下兵。

地然

觀象玩占京房易占曰：火出地，其國大出，水國君死。一曰：地
出火自然，其民殘。一曰：地然有亂，兵自相攻，殺。天文錄曰：地

然陰行陽政臣下自恣終以自害故地出火自然終以自焚也軍中地忽生大軍敗將死地中出煙百姓怨臣下有謀

地出血

開元占潛潭已曰地歐血禍之極効也地鏡曰地無故正赤如燃兵大起

觀象玩占易妖占曰臣功戮厥妖地生血地鏡曰地出血亂兵起國為墟京房曰地生血急去之

地生光

觀象玩占地鏡曰地忽生光如火照人其國危亡潛潭已曰地生光女謁行又曰小人進賢人滅

地出泉

醴泉銘禮緯云王者刑殺當罪賞錫當功得禮之宜則醴泉出於闕庭鶡冠子曰聖人之德上及太清下及太寧中及太靈則醴泉出瑞應圖曰王者純和飲食不貢獻則醴泉出飲之令人壽

開元占禮斗威儀曰君乘土而王其政太平則蒙水出于山地鏡曰湧泉忽妄生臣為禍害或以疾不過三年國憂有喪家中庭忽出泉者當富

觀象玩地地無故忽出泉成澤地鏡曰天下亂兵起且有大水人家中庭湧泉無故自出其家有喪地無故生泉其邑有兵

年中未貴易候曰天不雨而地自出泉其國亂從中起

地長

觀象玩占地鏡曰地忽生長在大道中天下不通地長邑下
其邑治毀地長市中國有利地長社稷王者有益地地長洲
島益地地自長如邱壘其上生草木其國失土亡民在春秋
夏月則吉地卒長有生樹國安有死樹國失地地土碎踊下
人將起地夏長歲熟秋長有亡君易地一曰殺六畜冬長兵
動人不安地長卒高其國易政地長而生樹天下受福街巷
道路無故自踴高起國有逆臣若逆賊不出三年敵國未侵
民敬亡軍地暴長主將戰勝有功有封爵益邑

地生雜物

開元占地鏡曰地無故生雜物皆天下亂兵起火水石生平野庶人逆謀興兵臣反不出三月齊兵起易傳曰地自生卵將軍且疾

觀象玩占地生毛天下亂兵起京房曰地生毛百姓勞地自五穀將軍得天道地忽生黃土黃石及黃色物將軍吉戰勝得地地忽生石礫急徙去之軍地忽生鐵士卒亡將軍死軍地忽生塵有大戰軍中地忽生荆棘軍破將死地生肉其國滅亡地生麩人將飢地生錢有兵來相攻急去勿面軍中地生土錢下有謀地忽生磐石其地可居吉管窺輯要

地生白毛兵起國不失土赤黑生毛血流千里國削土黃毛
兵起青毛兵起疫一曰地生百毛人勞苦地生錢花兵在外
不戰而回地生芻民將飢地忽生毛天下亂一曰歲大熟軍
在野地生蠅蟲軍破將死宋志曰地忽有佛神見像湧出者
人民流亡五穀微收蟲蝗為害

山變異占

詩小雅十月之交篇山冢峯崩高岬為谷涿谷為陵註山頂
曰冢峯崔魏也高岸崩陷故為谷涿谷填塞故為陵山崩水
溢亦災異之甚者

左傳山有朽壤而崩國主山川故山崩川竭君為之不舉

降服柔縵徹樂出次祝幣史辭以禮馬牋元占尚書中侯曰
山崩水潰納小人董仲舒對災異曰山者陰類崩者忠貞離
叛臣蔽主之善使恩澤不流怨恚雍隔所民人乖散之象也任
賢良使忠貞以救之京房對災異曰山者三公之位台輔之
德也乃輿雲出雨漫漑萬物助天成功今崩去者此謂大臣
懷叛不忠也地鏡曰山無故亡人君失位山無故晝夜有聲
如哭天下兵喪山有長光臣不祥山中見異類物非人所常
見者各有形名音聲皆為其邑大水或飢兵革行邑亡又曰
石生於都邑人君去故就新不出三年易政又曰石生於宗
廟中人君不行先王法度

觀象玩占災異書曰山者宰輔之位山崩者宰輔失職也地

鏡曰山春崩其國有伐城夏崩天下水秋崩有大兵冬崩大
飢京房曰國山崩君失政女威擅權五年敗邑山崩邑有戰
有大水又曰山崩輔臣去山崩君臣替國易政有大喪一曰
山分裂女主有謀山鳴其地大亂賊起山穴作聲如雷不出
一年賊起山忽生於石上其邑有賤人暴貴山出火熾然
謂鬼營亡國之徵山上忽生大石其邑喪主山石自動自走
其地有暴兵石自起立庶士為雄地鏡曰石生正方三公外
謀不出三年逆兵起石生重累不出五年相謀逆石生如聚
不出五年其邑有兵石生道中其所生國邑亡石生水中上

見近臣謀逆石生平野無人與臣謀反石生如人形姦臣持
政石生如蜚鳥形內戚女主近臣謀逆石生作獸形諸侯起
兵石忽赤如血色地鏡曰父子道絕臣不從令石忽濕汗
出如血其地有兵起流血石拆有水主謀不成石自出火焚
草木臣下謀亂

管窺輯要石人泣戎兵起石鼓自聲若金鼓之響兵起有災
沴石生毛髮如絲絮不出五年有兵謀事

水變異占

詩小雅十月之交篇百川沸騰註沸出騰乘也

開元占地鏡曰河水壅下臣執政或至大水又曰凡水中忽

見異物皆為天旱潛潭已曰河水逆流怨氣甚京氏別對災
異曰河水赤者獄有冤恨誅殺不當則致河水赤也其救也
正獄刑解疑罪又曰水中大出何所謂陰氣溢亡陽施也崔
顛易林曰井水沸不可安居瑞應圖曰井不鑿自成王者清
淨則出流有仙人至之徵京房曰澤枯歲貧國易臣

觀象玩占地鏡曰水忽自竭其邑將虛都邑中水無故自絕
其邑將徙人流亡河徙是謂陰反不出五年有叛臣兵起民
流亡水逆流是謂逆道不出二年兵徙女主起澤水自鳴百
姓哀苦澤水忽自無魚秋大水育兵起臣民有憂流水忽停
天下飢停水忽流天下兵河溢不出三年國有憂水忽自盈

起大水水鬪京房易傳曰天子弱諸侯力政厥異水鬪水化
為血其國有流血河清襄楷曰河者諸侯之象也其質本濁
而清諸侯將為天子之象也清忽自濁天下將亂江河水沸
京房占曰此執政懷姦不公衆邪並聚所致不救必有叛臣
水無故自出高山其邑以兵亡山石岸忽有水出其地有謀
不成水忽出市朝兵起井水赤地鏡曰其邑將為虛人家井
忽自濁其家主有殃井忽自臭國君亡庶人家亡池井自溢
有亂臣起井水溢在國君凶在邑主者凶一日兵起井忽自
沸有聲在將軍死在邑長吏死在家其主人死京房易侯曰
泉水沸賤人將貴井中出氣上至於天兵起國君在外則其

起之地有兵災井忽枯涸在邑邑室在冢家破亡

欽定天文正義卷九

日占

日占

晉書天文志。日為太陽之精。主生養恩德。人君之象也。人君有瑕。必露其慝。以告示焉。故日月行有道之國。則光明。人君吉昌。百姓安寧。人君乘土而王。其政太平。則日五色。日變色。有軍軍破。無軍喪候王。其君無德。其臣亂國。則日赤無光。日失色。所臨之國不昌。日晝昏。行人無影。到暮不止者。上刑急。下不聊生。不出一年有大水。日晝昏。烏鳥羣鳴。國失政。日中烏見。主不明。為政亂國。有白衣會。將軍出。旌旗舉。

隋書天文志。天氣清靜。無諸遊氣。日月不明。乃為失色。或天氣下降。地氣未升。厚則日紫。薄則日赤。若於夜則月白。皆將雨也。

或天氣未降。地氣上升。厚則日黃。薄則日白。若於夜則月赤。將
旱且風。亦為日月暈之候。雨少而多陰。或天氣已降。地氣又升。
上下未交。則日青。若於夜則月綠色。將寒候也。或天地氣雖交。
而未密。則日黑。若於夜則月青。將雨不雨。變為雲霧。暈背虹
蜺。

宋史天文志。君道至大。則日色光明。動不失時。則日揚光。至德
之萌。日月如連璧。君臣有道。則日含王字。君亮天工。則日備五色。
有聖人起。則日再中。人君有德。日有四彗。光芒四出。日有二彗。
一年再赦。日有黃芒。君福昌。多黃輝。王政太平。日無光。為兵
喪。又為臣有陰謀。日中見飛燕。下有廢主。日中黑子。臣蔽主。

明。日生牙。下有賊臣。

觀象玩占。日者。衆陽之宗。人君之象。光明外發。魄體內全。匿精揚輝。圓而常滿。人君之體也。晝夜有節。循度有常。春生夏長。秋收冬藏。人君之政也。星月稟其光。辰宿宣其氣。生靈仰其照。葵壺慕其恩。人君之德也。日青無光。其下死王。一曰。人主失勢。京房曰。日青色。君弱。日有青光。不出二旬。大風。羅貴。十日以上。民多疾疫。日色變赤。有兵爭。日赤無光。董仲舒曰。大旱。日赤如赭。兵車滿野。日赤如火。君喪臣叛。其國乃亂。日初出。赤如火。景照地赤。其所宿國亂。亦為有兵流血。日赤如血。其下君憂臣叛。兵役並起。日色變黃。土功興。感精符曰。閹刑庶孽。謀詐作姦。

董仲舒曰日黃無光山崩地動日色赤黃有旱亦為火災日
色變白有亡諸侯若兩敵相當則其分軍敗其將死感精符曰
臣下有姦謀四夷動京房曰上微弱又曰臣無勇志天子自將
征伐一曰日白為旱為喪日色變黑天下大水民半死京房
曰君見惡於百姓而臣不為掩也其占為主令不行日有黑光
多死兵所見之國雜責日黑無光董仲舒曰臣下為政日色
變紫感精符曰夷狄內侵兵將用則日紫日色變黃濁黑光
動搖為風雨不動搖為憂病不則國有暴怒之令日變色乍赤
乍白滿十日臣謀君日無光五穀不成盜賊並起又曰臣恣
橫則日黃無光大臣擅權則日青無光子黨犯命權威宮闈則

遊氣蔽日。日赤鬱塊無色。日無雲不見光。比三日有喪。有滅國。日生彗五色。君有大福。天下大穰。日上出黃芒。天下攻戰。日垂芒。有戰。日生芒角。主人兵不利。日有四角。兵饑。六角。兵起。日垂爪。兵起。日有白足。石氏曰。有敗軍。乙巳占曰。白足者。日影屬地。色純白也。日赤足。有舉兵。日兩足。庶雄起。郝萌曰。日生齒足者。有反兵。日中有如立人者。君慎左右。日中有如人行者。臣叛主。日薄。凡日蝕。皆在朔。非朔而蝕。謂之薄。不因日月同宿而別為陰氣所掩。其占為死君。為亡國。其災甚於晦朔之日食。管窺輯要曰。五色光。日如蓮。日重輪。日重珥。日再中。日中有王字。光如練帶。並吉昌之瑞也。有封禪之慶。則日見重光。

日旁雲氣占

周禮春官。眡祲掌十輝之灋。以觀妖祥辨吉凶。一曰祲。二曰象。三曰鵠。四曰監。五曰闇。六曰朙。七曰彌。八曰叙。九曰濟。十曰想。掌安宅叙降。鄭司農云。輝謂日月光炁也。祲陰陽氣相侵也。象者如赤鳥也。鵠謂日旁氣四面反鄉如輝狀也。監雲氣臨日也。闇日月食也。朙日月朙朙無光也。彌者白虹彌天也。叙者雲有次序如山在日上也。濟者升氣也。想者輝光也。鵠謂日旁氣刺日也。監冠珥也。彌氣貫日也。濟虹也。詩云。朝濟于西。想雜氣有似形可想。

史記天官書。兩軍相當。日暈。暈等力鈞。厚長大。有勝。薄短小。無

勝重抱大破無抱為和背不和為分離相去直為自立立侯王
指掌若曰殺將負且戴有喜圍在中中勝在外外勝青外赤中
以和相去赤外青中以惡相去氣掌先至而後去居軍勝先至
先去前利後病後至後去前病後利後至先去前後皆病居軍
不勝見而去其發疾雖勝無功見半日以上功大白虹屈短上
下兌有者下大流血日暈制勝近期三十日遠期六十日

晉書天文志凡遊氣蔽天日月失色皆是風雨之候也沉陰日
月俱無光晝不見日夜不見星有雲障之兩敵相當陰相圍議
也日濛濛無光士卒內亂又曰數日俱出若聞天下兵起大戰
日聞下有扶城日戴者形如直狀其上微起在日上為戴戴

者德也國有喜也一云立日上爲戴青赤氣抱在日上小者
爲冠國有喜事青赤氣小而交於日下爲纓青赤氣小而
員一二在日下左右者爲紐青赤氣如小半暈狀在日^上爲負
負者得地爲喜青赤氣長而斜倚日旁爲戟青赤氣員而
小在日左右爲珥黃白者有喜又曰有軍日有一珥爲喜在日
西西軍戰勝在日東東軍戰勝南北亦如之無軍而珥爲拜將
日旁如半環向日爲抱青赤氣如月初生背日者爲背又曰
背氣青赤而曲向外爲叛象分爲反城珣者如帶珣在日四
方青赤氣長而立旁爲直日旁有一直敵在一旁欲自立從
直所擊者勝日旁有二直三抱欲自立者不成順抱擊者勝殺

將 氣形三角在日四方為提 青赤氣橫在日上下為格

氣如半暈在日下為承承者臣承君也又曰日下有黃氣三

重若抱名曰承福人主有吉喜且得地 青白氣如覆在日下

者為覆 日旁抱五重戰順抱者勝日一抱一背為破走抱者

順氣也背者逆氣也兩軍相當順抱擊逆者勝故曰破走日抱

且兩珥一虹貫抱抱至日順虹擊者勝殺將日抱兩珥且珥二

虹貫抱至日順虹擊者勝日重抱內有珥順抱擊者勝亦曰軍

內有欲反者日重抱左右二珥有白虹貫抱順抱擊勝得二將

有三虹得三將日抱黃白潤澤內赤外青天子有喜有和親來

降者軍不戰敵將軍罷色青黃將喜赤將兵爭白將有喪黑將

死日重抱且背順抱擊者勝得地若有罷師日重抱抱內外有
珣兩珥順抱擊者勝破軍軍中不和不相信日旁有氣員而
周匝內赤外青名爲暈日暈者軍營之衆周環匝日無厚薄敵
與軍勢齊等若無軍在外天子失御民多叛日暈有五色有喜
不得五色有憂凡占兩軍相當必謹審日月暈氣知其所起
留止遠近應與不應疾遲大小厚薄長短抱背爲多少有無實
虛久亟密疎澤枯相應等者勢等近勝遠疾勝遲大勝小厚勝
薄長勝短抱勝背多勝少有勝無實勝虛久勝亟密勝疎澤勝
枯重背大破重抱爲和親抱多親者益多背爲天下不和分離
相去背於內者離於內背於外者離於外也

宋史天文志凡黃氣環在日左右為抱氣居日上為戴氣為冠
氣居日下為承氣為覆氣居日下左右為紐氣為纓氣抱氣則
輔臣忠餘皆為喜為得地吉兩珥氣員而小在日左右主民
壽考三珥色黃白女主喜純白為喪赤為兵青為疾黑為水四
珥主立侯王有子孫喜日旁雲氣白如席兵衆戰死黑有叛
臣如蛇貫之而青殺多傷白為兵赤其下有叛黃臣下交兵黑
為水日始出黑雲氣貫之三日有暴雨青雲在上下可出兵有
赤氣如死蛇為饑為疫雜氣刺日皆為兵日暈七日內無風雨
亦為兵甲乙憂火丙丁臣下忠戊己后族盛庚辛將利壬癸臣
專政半暈相有謀黃則吉黑為災暈再重歲豐色青為兵殺貴

赤蝗爲災三重兵起四重臣叛五重兵饑六重兵疫七重天下
亡 白虹貫日近臣亂諸侯叛 日暈角內有陰謀陰國用兵
得地又主大赦 日暈亢大臣凶多雨民饑疫 日暈辰女主
恣一曰國有憂日下興師 日暈房爲兵君臣失政女主憂
日暈心王者憂之 日暈尾女主喪將相憂 日暈箕國有妖
言 日暈斗宰相憂宗廟不安 日暈牛爲陰國憂兵起 日
暈女後宮及女主憂 日暈虛民饑后妃多喪 日暈危有喪
日暈室國憂女主憂然 日暈壁名士憂 日暈奎爲兵爲
火 日暈婁有兵大人多死 日暈胃穀不熟 日暈昴陰國
失地趙地凶又曰大饑 日暈畢有邊兵又占有風雨 日暈

齒及三重其下穀不登民疫五重大赦期六十日 日暈參有
來和親者一曰大穢 日暈井多風雨有青赤氣在日爲冠天
子立侯王 日暈鬼其分有兵大臣有誅廢者 日暈柳飛鳥
多死五穀不成三抱而戴者君有喜 日暈星周邦君憂青色
抱而順在兵爲東軍吉 日暈張有黃氣抱日主功臣効忠又
曰財寶大臣黜將相憂 日暈箕爲樂官黜上有抱氣三敵心
欲和 日暈軫而生背氣其下兵起城拔視背所向擊之勝
觀象玩占一曰冠青赤氣曲覆日月之上爲冠冠者冠帶之象
也天子當立諸侯封建親戚以爲藩屏白爲喪純赤爲兵日上
有冠三重日下有直虹不出一年立貴人其年小熟有小兵天

下不安。日冠而珥。人主有喜。王朔曰。日冠而有兩珥。最吉。日冠右珥。石氏曰。邦西有善人出。日冠左珥。邦東有善人出。日冠纓上下。邦南北有善人出。二曰戴。青赤氣橫在日月之上。隆隆微起為戴。其分當有益土。退爵推戴之事。五色鮮明潤澤則吉。純青為憂。純赤為兵。白為喪。黑為疫。日戴且冠不中。日者名曰附。中亦外。青黃且潤澤。天子有臣恭得寵者。日戴而珥。天子有子孫之喜。日重戴左右珥。天子得地。若有所立。三曰珥。青赤氣短小。在日月之旁為珥。石氏曰。日兩旁有氣短小。中赤外青。其名曰珥。珥者言似耳在兩旁也。日有珥。孝經內記曰。人主有喜。為拜將。若有子孫。一曰日珥有風。一曰女主戒之日。朝有珥。

乙巳占曰國主有耽樂之事日夕有珥赤黑白有大客日右珥色赤黑夷人起兵邊邑有叛者日左右有黃珥國有敕令日兩珥焔焔有光人主有喜日有交珥聚一方兵起軍在外者罷京房曰出日四珥將軍亡入日四珥有大兵日朝五珥國爰兵起日有六珥廿氏曰是謂大提不出六十日其分有喪若有赤雲掩日則下有亡國多珥臨日有雨有客來言北方事日珥中有赤雲貫日名士死王朝曰兩軍相當日珥等無相奈何日生珥四面色暈紅黃如電一年內有大兵大旱天火為災人民驚恐朔日日一珥二珥主風雨三珥大風雨四珥臣背君兵起大旱四曰抱青赤氣彎曲向日為抱抱者扶抱向就之象日月有

抱他國有來降附者亦爲有子孫喜。王朔曰：氣向日月如暈狀而短爲抱抱多來親附者衆多也。日黃抱君得地。日三抱天子喜色赤黃白皆吉。日四旁各有重抱四方信附。日旁有黑抱戰勝無軍有欲和親者。夏氏占曰：兩軍相當日有兩抱齊等先衰者敗同時而消則無勝負。日抱而其旁有黃氣如人像者人主有賢佐無軍在外而一抱一背者臣不和。日抱且背且璠逆順相參抱多則順者多背璠多則逆者多抱明而久背璠不明而先滅則順勝以是推之凡有抱者以攻戰從抱擊之勝芒刺外則內勝芒刺內則外勝抱明厚有芒刺背則逆者滅背璠明而抱先去則忠臣受殃他做此日將出未出上有黃氣如半暈覆

日人主有德令。五曰背青赤氣曲而背日月者背叛乖離之象。日有背其分有反城叛將。邊將欲去善防之。背多者反者多也。日四旁俱有背四方俱有反者。六曰瑠青赤氣曲向外中有橫枝欲似山字曰瑠。缺傷之象也。又曰如弓形而有牙其占為君臣不和。上下傷缺。兩軍相當所臨者敗。王朔曰瑠者決也。臣下急也。形如背微小而鉤為瑠。見則有反者。日旁一瑠萬人死其下。四瑠五瑠反者如瑠之數。日有背瑠四直交其中。臣欲為邪色中青外赤有芒刺為逆。中赤外青無芒刺為謀。日背而內有瑠色中黑外赤大臣反。天子有憂。七曰直青赤氣長及丈餘正立日月之旁曰直。其分有自立為王者。又曰短為珥。長

爲直夏氏占曰日有黃直君立臣有青赤直臣自立日有二背
一直大臣欲自立 八曰交青赤氣狀如兩直相交在日月上
下左右曰交交者溼悖之氣也恒以八月上旬丙日候之日旁
有交赤雲其下有兵又曰日旁有兩氣相交或向貫穿或相向
背皆爲天下兵起亦爲內亂軍不和日旁有交從交所擊者勝
九曰提日月四旁有赤雲曲屈如鉤向內有牙出之名曰四
提如玦珥而曲長不出其年兵起亦爲亡地有自立者日暈而
提向外外臣叛向內內臣叛荊州占曰日旁有回白雲曲而向
日四方曰提見則有自立者日有四提有大兵大饑有大雨則
灾不成日六提布貴天下亂 十曰纓青赤氣小而交於日下

為纓日纓而珥後宮有喜 十一曰紐青赤氣兩邊交曲而雙
垂為紐一曰青赤氣小圓而或一或二在日月上下左右為紐纓
紐同占 十二曰承青赤氣如半暈在日下為承日月下有黃
氣二三重如抱狀名曰承人主有喜得地 十三曰履青白或
青赤如履在日下為履一曰青赤氣立在日月下為履皆喜氣
也一曰日下有赤黑氣如履謂之履天子有喜外國有來歸者
十四曰格格者格鬪之象其占為有兵戰 十五曰戟戟者
戈戟相傷之象其占為兵起 十六曰暈日暈有軍在外則為
軍營之象對敵有暈厚而鮮明久留者勝在東東軍勝在西西
軍勝南北亦如之京房曰日暈有兵在外者客勝夏氏占曰日

暈而明有兵兵止無兵兵起不戰凡兵發而日月暈有厚薄則
得厚者勝漸滅則留者勝日有黃暈風雨以時物賤人安黃暈
再種公卿不職工役煩興穀傷兵起日有青暈不出其旬有大
風大寒米粟大貴民疾疫一歲再見貴再倍大饑青暈再重不
出六十日兵起日有黑暈大水傷五穀敗室宅糶十倍三旬乃
止一曰災在用事之臣黑暈再重內臣貪財大水人流夏霜冬
雷其下國大敗日有白暈歲多暴風春雪霜民多病犬多狂白
暈再重所見之國多風雨民不安穀貴不出九十日有急兵日
有赤暈其日有大雨雷震殺人畜且有大熱赤暈再重所見之
國有蝗蟲旱穀貴盜起赤暈三重四重五重兵起大饑日暈青

黑女主憂日暈中赤外青羣臣親附外赤中青臣外其心日暈
黃濁黑潤動搖為惡風雨不動搖為有憂病凡日暈色青為饑
為憂色赤為旱為兵色白為喪色黑為水為病色黃而潤為喜
黃燥則為旱為風夏氏占曰日重暈攻城圍邑不拔日有交暈
立大夫為將軍交暈無厚薄交爭勢均有厚薄厚者勝交暈居
上者勝一曰日交暈人主左右有爭交暈貫日其下有破軍死
將客敗交暈抱日候其先滅之處從其處攻之勝交暈如連環
兩國爭地有亡國兵在外則兩軍皆動日暈不匝暈所在兵勝
當其空面者敗日兩旁暈相向者風殘五穀日半暈如鼎蓋有
欲請和親者日半暈東向西夷欲反入國西向東夷欲反入國

南北如之日有半暈再重，民和歲吉。日暈如車輪之半，軍在外者罷，無軍在外則兵起。日半暈中央廣兩頭銳，從有處擊無勝。日暈如井幹如車輪，其國皆以兵亡。日方暈天下不和，兵起其國敗。日以庚子日暈，有赦令。正月朔旦日暈，其分小熟。正月日五暈，歲大熟。正月日暈，春不可起兵。日以正月若五月一月之中九暈，多熟。一月之中三暈，軍分為三。日始出而暈，其國有死君，不則有亡師。日始出，其上有暈如車蓋，其日有雨。日朝夕暈，是謂失城，有兵，主人不利。日暈而珥，宮中多事。七日不雨，審察宮中。一曰有拜將，立候王。一曰天子更令。一曰主有謀，軍在外，外軍有悔。一曰貴人有罷國，有謀反者。日暈而珥於軍上。

將軍易。一曰有破軍。珥貫至日。有殺將。兩軍相違。日暈而珥先
舉者敗。戰則珥所在之方勝。日暈而珥有雲穿之。天下名士死。
一曰士卒多死亡。日暈而珥白雲掩映。有大兵。日暈兩珥下有
黃雲。人主有喜。日暈兩珥黃雲貫之。不出三月。貴人有死者。日
一暈兩珥有立雲貫日出。國多妖孽。有大疫大喪。日暈兩珥聚
雲其中。其城圍。日暈而兩珥在外。中若外有聚雲。不出三日。城
圍中出戰。日暈中有四珥。將亡。改立侯王。一曰有反者。日重暈
兩珥有兵爭。日重暈。暈中有珥。天子有喜。日暈三重而珥。國有
反者。日交暈而珥。天下兵起。有兵則罷。日暈且冠。石氏曰。王
者有拜謁。若立諸侯。有德令。大赦。日暈且戴。人主有德令。日暈

而冠且戴。天下有立侯王若自立者。其分益地。日暈而冠三珥。天子有喜。有大赦。亦為拜大將軍。日暈且戴。有兩氣如珥形。中赤外青。其名曰琪。色皆黃白潤澤。有獻寶玉奇璧者。日暈有冠珥且紐。人主有喜。兩軍相當。而日暈有冠珥及纓者。皆為和。解抱戴則為有喜。日暈而冠三重。日下有虹長數丈。不出其年。有反者。有兵饑。日暈而抱且珥。易上將。日暈而外有珥且抱圍城者。勝。日暈而暈中有珥一抱。受圍者勝。日暈旁有兩珥。下有抱。天子有喜。得地。日暈外有一直。臣欲自立。有二直。有二人欲自立。明者成。色黑不明者死。一曰赤。中青外者成。青中赤外者不成。日暈外有直而有黃白氣。承之則為立王。日暈而有三直。欲

自立者不成。日暈而四提。大將出奔。日暈一背一珥。臣有反者。出暈則事成。日半暈一背一珥。有邪謀不成。日暈而四背珥。在暈內。內臣叛。在暈外。外臣叛。日暈中有兩背兩珥。又有半暈。臨日。有反。臣中起不成。日暈有三四五六背珥。其端盡出者。反從內起。日暈而有戴。且有抱珥。其色皆內赤外青。光色潤明者。其國有喜。日潤而珥。有兩背珥。在暈中。其國戰不勝。日暈而有赤雲如破車輪向日。為內提。內臣叛。背日為外提。外臣叛。日暈再重而有兩珥。白虹貫之。有大兵。日暈而有一抱一直一珥。人主喜。且有所立。日月無精光。而有赤青暈虹蜺背珥。而在心度中。是謂大盜。其國有兵喪。日暈有聚雲在旁。色黃白。言青白兵行。

黑白內亂青赤兵解青黑兵戰日暈有雲氣從外入者外兵入
從中出者內兵出圍城而有雲從外貫暈入者外兵戰勝從內
貫暈出者城中兵戰勝五色同占日暈有聚雲如羽如毛臨日
不去其國有兵憂日暈有雲如人在暈中背日者臣叛向日者
臣忠日暈不合有雲如人在日外似相就者攻城不勝日暈不
合有雲如牛從暈外來入暈中有反臣日暈有雲氣如牛入居
暈中不出三日寇入城無兵在外防姦客日暈有赤氣如建鼓
貫日大旱日暈旁有赤雲氣如節如旗狀在外亦曰虫尤之旗
兵起日暈有白氣陵暈有兵在外大戰順氣者勝日暈旁有雲

氣

圓如日狀內有謀反者日暈有白虹貫日虹所起有反者日重

暈有白虹貫日圍城則客勝日暈而日中鳥見軍敗日暈各以其日所在辰及星宿國分占之 日暈角王者憂日暈亢宗人死大臣戮日暈氐廿氏曰大將有殃人多病死日暈房兵起日暈心國易政人饑兵起日暈尾陰國弱日暈箕大風為敗日暈斗宗臣囚死日暈牛暴兵起日暈女武密占曰後宮有病者日暈虛丞相下獄日暈危其下有廢主日暈室外戚弄權日暈壁人君棄賢用佞日暈奎其分守臣黜日暈婁主金錢者黜一曰宗廟災日暈胃主倉庫者黜一曰天下有兵先戰者不勝日暈昴胡大饑國亂日暈畢趙魏之君有憂日暈觜陰國弱一曰戎狄國多疾疫一曰臣憂有大水且旱日暈參鮮卑國君死邊兵

出將軍憂日暈井多陰雨大風日鬼^暈有大喪日暈柳厨宰之官
點日暈星鳥獸多死日暈張財寶大出其分君凶日暈翼禮樂
壞弛日暈軫內兵出太子憂 十七曰負負者抱之類也日暈

負且戴國有喜戰從戴所擊者勝日重暈有四負國內亂三日

雨不占

按以上十七象觀象玩占作日月旁氣而其占有兼日月者亦有告言日者晉志載十六象而無交象占則寺

言日惟占兩軍相當必審日月暈氣乃兼月言益日月旁氣俱可有此十七象而日重月輕其占應為日言者多也

日旁氣如龍即日及如人卧背日其下有反臣日旁雲氣如虎

守日大將謀亂日旁有雲氣相交如蛇其下有賊宜防之日旁

有雲氣如卧人有死將日旁有雲氣如牛守日其國兵亂日旁

有雲氣如馬守日有兵戰青鳥守日司徒欲為不道青龍守日

臣謀上一曰天子慎飲食日旁有雲氣如人行兩國兵爭臣謀
主日下雲氣如兩青烏相向主人憂日下雲起如青赤馬敵人
相謀宜急設備日下有黑雲氣如蛟龍其日有雨在日上者同
日下漠漠有氣如車馬烏蛇或如人被甲而走或如虎躅皆為
大將叛日上下四旁有雲氣如車相隨有大水日下有氣如箭
外向三日兵出日旁有氣青白如鏡圓明其下有賢人德日上
下有青氣可以出軍戰必勝青雲潤澤從西北來蔽日必舉賢
良青氣疾來縱橫貫日有姦人入城營青氣三道貫日國有讒
人將軍失位日旁有赤氣如席萬人戰死其下日旁有赤雲曲
如車輪其下有兵亡地日旁有赤雲如帚夾日日旁有赤雲兩

頭銳其下不宜先舉兵。日上有赤雲如雉鷄，其分有兵喪。日旁有赤雲如衆樹，有兵起。客勝，赤雲如鳥啄。日兵起，赤雲如兩鳥。火日，其國亡。君日下有赤氣形如懸鏡，先舉兵者敗。日上有赤氣，客軍將死。日下有赤氣如鋒，及在兩旁，破軍殺將。赤雲如虹，與日俱出，所臨之國有兵起。日上下有黃氣，君有喜。白氣自下上衝日，君憂。白氣圍日，有亡城。日下有白氣如揭旗幟，天子有喜。其分，君亦喜。白氣貫日，軍在外將死。白氣交錯貫日而過，軍不和失律。黑雲氣貫日，臣謀逆有軍在外。客將死，黑雲氣入日。有大雨，四時。壬日有雲氣如虎守日，以五色占。如色克其時，令者，臣不利於君。日出沒時有雲氣橫截之，白為喪，黑為驚。三日。

內有雨則乙赤氣隨日出軍有憂隨日沒外告急日旁氣如虹貫日青為疫五穀傷赤為臣有欲反者白為兵起黃為交爭黑為大水日氣如虹中天而下至地其所下兵大起日垂青足所下有疾日垂黑足將軍凶日入照天赤雲四方盡赤大旱兵起久旱而有赤雲遍天照映山谷則來日有雨凡日月旁氣去疾者禍福皆輕留漸久者漸重竟日連夜則禍福俱大也

天文會通日暈左右角再重內赤外青白者其下用兵三重內蒼白外青赤其國雅貴日暈亢有青氣環覆者主歲不熟有黃氣回覆者朝廷有喜慶事有黑氣回覆者天下大水荒雅貴人死日暈在內旁有兩珥者公卿大夫有憂若日上有冠氣色黃者後宮有子孫之喜日暈

房旁有兩珥當有大慶若有三珥女主喜有四珥者天子當立
侯王亦子孫之慶日暈心再重內青白外赤黃主兵自外內赤
黃外青白主兵內起日暈心外有黑雲相奄覆者其國有臣下
坐法日暈尾燕國有急兵日暈尾有白氣如帶縈結暈外者其
國有疾疫若黑氣奄覆者其分大水日暈箕後宮有相諧而坐
罪者日暈箕再重內赤黃外青白其下有急兵亦曰後宮有恐
日暈斗有黑氣奄覆其國饑糴貴日暈牛開口旁無他家期五
日有風雨日暈女后不親蠶天下不務女工日暈虛民饑日暈
危復有白虹貫之其國有死君為亡地日暈室再重內青黑外
赤黃傍有黑氣往來暈中其國有兵喪日暈壁日中有黑子者

其野有賢臣失職亦曰國有名士坐事日暈奎府庫有火災日暈婁再重內有黑氣者其國車騎滿野日暈胃天厨有火災一曰供養之官有陰謀日暈昴有寃獄事日暈畢夷狄強盛兵起外國大臣凶多風雨損禾稼人民疾疫有寃獄其國饑日暈觜夷狄強將相憂日暈參大將有憂其國有殃日暈井法令滋張天下獄起日暈鬼有疾疫人多死日暈柳五日內有雷雨作日在柳暈不合如半車輪者其國有飛蝗日暈星一重不周者期三日有暴風雨暈三重周遍者其野有災亦曰女有憂日暈張衣裳失度天子有飲食憂日暈翼不出三日有風雨日暈三重在軫周徧其野車騎四出

管窺輯要日暈無光君失道下專刑分威日不光也白氣射暈
所向軍敗三日內避之吉若無兵敵將軍改移之兆日闕者別
有假象共日體相凌離而復合而又離日魄失光乍明乍暗
為日闕闕者兩侵之象赤雲蔽日大如椽軍在外萬人死氣如
箭射向日下軍出三秋日始出有雲如車張蓋則必雨矣二白
雲扶日國憂兵起赤雲如鳥夾日而飛主君憂君聖臣賢天下
心順則氣如龍鳳龜鶴形環而抱之也

日旁星占

觀象玩占。日月與大星並見。是謂爭明。大國弱。小國強。天下有立王。若星月有光。而日無光。則大國亡。妖星與日並出。名曰婦女星。與日爭光。夫弱婦強。在邑在野。為喪為兵。彗星見日旁。天下大兵。日當午。有星在日下。妃妾謀君。日當午。四星環之。侯王奪主國。五星環之。太子為不利。二星夾日。下人謀上。姦臣在內。閹臣謀反。左右夾日者。將軍與內臣合謀。又曰。天子不能制下。則星與日並出。是謂內弱外強。日左有星。仍有珥。五十年內大亂。日左右有星。兄弟謀主。流星映日。赤色向日。流者。天下不安。九州荒蕪。流星映日。前珥後方者。天下震動。日無光。

者天下大疫人半死流星晝見衝日臣下謀亂天下陰謀相奪
百姓流亡四海俱殃流星日將入而見前赤後白大臣欲謀國
而發使也流星日未入而墜其光映天野有大災兵起大戰流
血大旱兵在外則將死

欽定天文正義卷十

日食占

日食占

史記天官書日月薄蝕集解孟康曰日月無光曰薄京房易傳曰日赤黃為薄或曰不交而蝕曰薄韋昭曰氣往迫之為薄虧毀為蝕

宋史天文志日食為陰蔽陽食既則大臣憂臣叛主兵起日食在正旦為者惡之

開元占甘氏曰日食三日有雨暘之

觀象玩占李淳風曰日依常度蝕者月來掩之也臣下蔽君之象人君當慎防權臣內戚在左右者其食雖依常度而災害在於國君大臣人或疑之以為日月虧蝕可算食分多少早晚起

復莫不先期知之。此豈天災之意耶。夫月毀於天而魚腦減於泉。陰陽之氣迭相感應。自然之理。東風至而酒湛溢。東風非故為溢。酒來也。風至而酒自溢。象見於天而災自應於下。理固然耳。有道之君修德而無咎。暴亂之主傲虐而成災。譬之陽燧取火。方諸取水。以他鏡求之而不得。感合之理。信不誣矣。日食陰侵陽。下陵上。婦乘夫。臣犯君之象也。日食則失道之國亡。乙巳占曰。凡日食為有兵有喪。失地亡國。皆以蝕時早晚宿分日辰占之。日入地而食。大人當之。日從地下蝕。出而虧。當有兵。視其虧處以占兵起之方。日始出而蝕。是謂棄光。齊越之國受兵亡地。日中而蝕。甘氏曰。荆魏受兵亡地。海內兵起。日晡而

食兵將罷日將入而蝕大人出兵燕趙當之武密占曰日出至
食時蝕宋鄭當之食時至禺中楚當之禺中至日昃秦當之日
昃至晡時魏當之晡時至日入燕當之日入至人定代當之皆
為不出三年有喪日蝕而有氣如虹在日上者近臣犯上甘
氏曰近臣謀上日蝕而暈傍珥白雲來去掩映兵大起日
蝕而傍有似白兔白鹿守之者民為亂臣逆君不出其年其分
兵起日蝕而有雲氣風冥暈珥似有群鳥守日名曰天鷄外
戚有謀日蝕而有雲如虎守之大臣謀君石氏曰君族有伏
謀日蝕而有雲如坐人於上者君安居下者臣安日蝕而
傍有黑雲繞圍之者臣下無君日食且有黑雲下垂民饑賊

起 日蝕而有交暈貫日中兩軍爭後起者勝 日蝕有四珥
從上而下天子起兵從下而上天子有喪 日蝕而大風地鳴
四方有雲宰相專權謀反 日將蝕而地震裂日色昧而寒乃
蝕者方伯專誅恣行殺害君不能制 日蝕已而風起地動大
臣專制諸侯不臣有亡君 日蝕而大寒且在平旦中國大饑
賊起四夷為亂諸侯反逆 一曰日蝕而寒夷狄兵動 日蝕已
而寒天下饑盜賊起 日蝕而陰冥臣蔽主 京房曰日蝕旺
為君相為臣因為罪人死為夷狄休為民有兵從蝕所來在三
年之內且有火災

日食四時占

觀象玩占。日春蝕。甘氏曰。有女喪。乙巳占曰。年大凶。日夏蝕。甘氏曰。諸侯多死。一曰無年。日秋蝕。甘氏曰。有兵。乙巳占曰。有兵戰。日冬蝕。甘氏曰。相死。乙巳占曰。多死喪。甘氏曰。日食春丙丁。夏庚辛。秋壬癸。冬甲乙。日皆為相死。春庚辛。夏壬癸。秋丙丁。冬戊己。日皆為悖逆。日夏食陽為南國。陰為北國。是為禍國。

日食十二月占

正月日食

開元占石氏曰正月日食不見光人多疾。

觀象玩占京房曰大臣死不死則黜黃帝占曰大人走乙巳占曰人多病陳卓曰五穀貴齊大凶武密占曰兵起人流

二月日食

開元占石氏曰二月日食不見光人多喪。

觀象玩占大旱石氏曰人多死陳卓曰豆貴牛死魯大凶。管窺輯要國愛六畜死傷。

三月日食

觀象玩占石氏曰水大出陳卓曰絲綿布帛貴楚大凶武密占
曰有旱饑

四月日食

觀象玩占臣有憂石氏大旱陳卓曰牛無食六畜死宋大凶武
密曰旱疫

五月日食

觀象玩占諸侯多死乙巳占曰大旱人饑陳卓曰牛死六畜貴
梁大凶武密曰兵起東北

管窺輕要夷狄亂侵凌封疆

六月日食

觀象玩占。石氏曰。六畜貴。陳卓曰。五穀貴。沛大凶。武密曰。大臣死。

管窺輯要。公私不藏。

七月日食

觀象玩占。乙巳占曰。歲惡。秦國惡之。陳卓曰。繒帛貴。陳大凶。武密曰。兵起。人流亡。京房曰。大水。

八月日食

觀象玩占。石氏曰。兵起。陳卓曰。兵甲貴。鄭大凶。武密曰。兵饑。管窺輯要。損稼。

九月日食

開元占衛國大惡

觀象玩占石氏曰布帛貴陳卓曰鹽韓大凶乙巳占曰女工貴
武密曰饑疫

管窺輯要民憂有喪

十月日食

觀象玩占石氏曰六畜貴陳卓曰魚鹽貴秦大凶武密曰冬旱
管窺輯要羗反必有暴霜

十一月日食

開元占石氏曰十一月日食不見光趙國大惡

觀象玩占石氏曰魚鹽貴陳卓曰燕大凶乙巳占曰糴貴牛死

武密曰人畜俱疫

管窺輯要畜疫及蝗蟲

十二月日食

觀象玩占京房曰其下有兵石氏曰穀貴牛死陳卓曰糴貴趙
大凶武密曰水災夏麥不收

管窺輯要小兒死損麥

日食干支占

史記天官書月食常也日食為不臧也甲乙四海之外日月不占丙丁江淮海岱也戊己中州河濟也庚辛華山以西壬癸恒山以北日食國君月食將相當之

宋史天文志甲乙日有二珥四珥而食白雲中出主兵丙丁黑雲天下疫戊己青雲兵喪庚辛赤雲天下有少主壬癸黃土功

日食在寅卯辰水招謀者司徒也巳午未火招謀者太子也申酉戌金司馬也亥子丑水司空也

觀象玩占武密曰日食子日兵起丑寅卯皆旱辰兵巳火災午兵未水申酉皆為兵戌草木傷亥小人用事

管窺輯要日食子日兵起丑日憂寅日旱卯辰日將死巳午日
火災未申日兵起酉日民流兵起戌日傷稼亥日水旱

日食六十花甲占

甲子日

觀象玩占。甲子日蝕。北夷有謀。不則大水在東方。一曰夷兵起。

乙丑日

觀象玩占。乙丑日蝕。五穀蟲傷。一曰大旱。

丙寅日

觀象玩占。丙寅日蝕。有小旱在東南。一曰有旱蝗。

丁卯日

觀象玩占。丁卯日蝕。有小旱在東南。一曰有旱蝗。

戊辰日

觀象玩占戊辰日蝕有地動在東南

巳巳日

觀象玩占巳巳日蝕諸侯起兵在西南一日火災

庚午日

觀象玩占庚午日蝕有大旱在南方一日有兵災

辛未日

觀象玩占辛未日蝕有蟲在東方一日水潦

壬申日

觀象玩占壬申日蝕有小兵寇盜並行

癸酉日

觀象玩占。癸酉日蝕。有兵始於西方。一曰淫雨數降。

甲戌日

觀象玩占。甲戌日蝕。有小旱在西南。

乙亥日

觀象玩占。乙亥日蝕。有陰雨。又曰冬無冰。

丙子日

觀象玩占。丙子日蝕。兵行在東方。後有大水。一曰夏霜為災。

丁丑日

觀象玩占。丁丑日蝕。有小兵。一曰三公有憂。

戊寅日

觀象玩占。戊寅日蝕。歲旱。一曰多大風。

己卯日

觀象玩占。己卯日蝕。有蟲。一曰多盜。

庚辰日

觀象玩占。庚辰日蝕。有水在東北。一曰有兵旱。

辛巳日

觀象玩占。辛巳日蝕。兵行在西北。

壬午日

觀象玩占。壬午日蝕。三公與諸侯相賊。旱且水。

癸未日

觀象玩占。癸未日蝕。僭上侵下。臣謀其君。在東北。有小蟲。

甲申日

觀象玩占。甲申日蝕。有小水在晉。一曰四月雨霜。

乙酉日

觀象玩占。乙酉日蝕。君弱臣強。一曰賢人遠退。

丙戌日

觀象玩占。丙戌日蝕。大旱。火從天墜。一曰訟公_多寃者。

丁亥日

觀象玩占。丁亥日蝕。有蟲在西北方。

戊子日

觀象玩占。戊子日蝕。有大水在東方。一曰宮中有憂。

己丑日

觀象玩占。己丑日蝕。有小兵在西方。一曰下民憂。

庚寅日

觀象玩占。庚寅日蝕。有小旱在東南方。一曰將相災。骨肉相賊。

辛卯日

觀象玩占。辛卯日蝕。有蟲在東方。

壬辰日

觀象玩占。壬辰日蝕。有大水在東方。

癸巳日

觀象玩占。癸巳日蝕。諸侯相伐。一曰權不一。

甲午日

觀象玩占。甲午日蝕。南夷君弑。大旱。一曰蟲災。

乙未日

觀象玩占。乙未日蝕。有地動。

丙申日

觀象玩占。丙申日蝕。有大水。

丁酉日

觀象玩占。丁酉日蝕。有兵起西北方。一曰侯王侵。

戊戌日

觀象玩占、戊戌日蝕、有旱。

己亥日

觀象玩占、己亥日蝕、小人持政。

庚子日

觀象玩占、庚子日蝕、大水。

辛丑日

觀象玩占、辛丑日蝕、君疑臣、三公有免黜者。

壬寅日

觀象玩占、壬寅日蝕、小旱在東南。

癸卯日

觀象玩占、癸卯日蝕、有蟲、一曰外國伐主

甲辰日

觀象玩占、甲辰日蝕、有水

乙巳日

觀象玩占、乙巳日蝕、諸侯上侵、以自益、近臣盜竊、以為積、東國起兵

丙午日

觀象玩占、丙午日蝕、大旱在南方、一曰民多流亡

丁未日

觀象玩占、丁未日蝕、有蟲、地震

戊申日

觀象玩占、戊申日蝕、有小水、地動、諸侯爭。

己酉日

觀象玩占、己酉日蝕、西夷有弑君、有大兵西行。

庚戌日

觀象玩占、庚戌日蝕、有小旱、一曰臣下相侵。

辛亥日

觀象玩占、辛亥日蝕、有蟲害、一曰臣有憂。

壬子日

觀象玩占、壬子日蝕、同姓諸侯任政者不臣、一曰女主憂。

癸丑日

觀象玩占。癸丑日蝕。寇盜行兵。一曰水潦為敗。

甲寅日

觀象玩占。甲寅日蝕。同姓大臣有謀。有旱。

乙卯日

觀象玩占。乙卯日蝕。權臣專政。不出三年。誅有蟲。一曰雷不行。霜不殺。

丙辰日

觀象玩占。丙辰日蝕。山水大出。

丁巳日

觀象玩占丁巳日蝕有小兵一曰其下有聚兵

戊午日

觀象玩占戊午日蝕大旱

己未日

觀象玩占己未日蝕臣不安居群陰謀侵地大動一曰其王失

土

庚申日

觀象玩占庚申日蝕骨肉相殘有水一曰夷狄內侵

辛酉日

觀象玩占辛酉日蝕有兵一曰奸邪欲起

壬戌日

觀象玩占。壬戌日蝕。小人用事。

癸亥日

觀象玩占。癸亥日蝕。大雨水。

日食宿分占

日食在角

觀象玩占黃帝占曰將吏憂國門閉其國君凶甘氏曰戒在農田之官京房占曰其國不安一曰貴臣憂其邦不實

日食在亢

唐書天文志日食在亢亢為疏廟

開元占春秋感精符曰日蝕亢中其邦君有憂

觀象玩占石氏曰其謀在朝臣之有罪者荊州占曰有反者伏誅武氏占曰外諸侯有謀入內者

日食在氐

唐書天文志日食在氏諸侯專權其應在所宿國
宋史天文志日食在氏卿相有讒諛一曰大臣憂
觀象玩占甘氏曰戒在公卿大夫且有相諧誤主使過刑者
管窺輯要內政不平

日食在房

宋史天文志日食在房為兵大臣專權

觀象玩占日在房蝕石氏曰人主憂一曰大臣有黜者一曰大
臣有相諧而坐法者

管窺輯要地震

日食在心

宋史天文志日食在心刑罰不中將相疑民饑兵喪

觀象玩占甘氏曰君臣相疑政令乖錯將相異心石氏曰臣謀

叛

管窺輯要歲旱火災

日食在尾

宋史天文志日食在尾將有疾在燕風沙兵喪後宮有憂人君

戒出

觀象玩占甘氏曰有疾風發屋折木天文論曰將死一曰貴臣

有刑者武氏占曰燕地饑北夷侵境

日食在箕

宋史天文志日食在箕將疾佞臣害忠良皇后憂大風沙
觀象玩占有疾風發屋折木
管窺輯要凶荒兵起

日食在斗

宋史天文志日食在斗將相憂兵起皇后災吳分有兵
觀象玩占春秋感精符曰國饑凶甘氏曰其國反叛

日食在牛

觀象玩占日在牛食其國兵起

天文會通牽牛主開梁犧牲日在牛宿食國上淫祀亦主淫巫
害風教又曰犧牲倍貴

管窺輯要牛多疫

日食在女

宋史天文志日在女蝕越分饑后妃疾

觀象玩占天下女子憂女工不成

日食在虛

唐書天文志日食在虛虛耗祥也

宋史天文志日食虛分其邦有喪

觀象玩占戒在主市租稅及繒帛器物金玉之臣武密占曰天

饑兵起

管窺輯要巨灾

日食在危

唐書天文志日食在危危為元枵亦耗祥也

宋史天文志日食危陵廟推有大喪有叛臣

開元占甘氏曰日食危不有兵喪必有大臣薨

日食在室

宋史天文志日食在室國君憂王者將兵一曰軍絕糧士卒亡
觀象玩占天下擾一曰外戚擅權君戒出入

管窺輯要人民乏食

日食在壁

宋史天文志日食於壁陽消陰壞男女多傷國不用賢

管窺輯要文士多難

日食在奎

宋史天文志日食在奎魯國凶邊兵起及水旱
觀象玩占其邦君不安一曰有白衣之會南邦不寧京房曰三
公與諸侯相賊又曰三公失位一曰廐庫起兵

日食在婁

唐書天文志日食在婁占為大臣憂

觀象玩占小臣不忠大臣受誅甘氏曰戒在聚斂之臣

日食在胃

唐書天文志日食在胃占曰主有疾

宋史天文志日食在胃大臣誅一曰乏食其分多疾穀不實又
宋曰有委輸事

天文會通倉庫不實府庫不充王庖不盈王者惡之其分有憂
兵起

日食在昴

宋史天文志日食在昴王者疾宗姓自立又占邊兵起

觀象玩占其分有殃石氏曰日危圉圉者解甘氏田主獄之臣
有亂法者

天文會通天下起冤獄一曰其國有獄事亦為大臣下獄又曰
天下大水其野有兵

日食在畢

宋史天文志日食在畢邊王死軍自殺其主遠國有謀亂
觀象玩占將相有以家坐罪者石氏曰主獄之臣黜

日食在觜

宋史天文志日食在觜臣犯主戒在將臣

觀象玩占夷狄兵起將戮

天文會通其野有兵喪三軍饑死

管窺輯要奸臣伏誅

日食在參

宋史天文志日食在參大月憂臣下相殘陰國強

觀象玩占兵起甘氏曰戒之在將帥之臣一曰大旱人食草木

巫咸曰。晉國有殃。其君凶。其分有拔城大戰。又曰。田荒米貴。

日食在井

宋史天文志。日食在井。秦地旱。民流有不臣者。

開元占。陳卓曰。其國內亂苛法滅。

觀象玩占。戒之在供養之臣。武密占曰。陽國弱失地。食盡則天

下大旱。

日食在鬼

宋史天文志。日食在鬼。國不安。有大喪。貴人憂。

天文會通。盜賊四起。一曰。其國金玉不收。五穀多傷。歲歉民饑。

百姓離散。有大水災。

日食在柳

宋史天文志日食在柳宮室不安王者惡之厨官橋道隄防有憂

觀象玩占甘氏曰戒之在門戶橋道之臣若今衛尉是也一日鳥獸死

管窺輯要庖宰太盛大臣災

日食在星

宋史天文志日食在星文章士受誅其分兵起臣為亂

觀象玩占兵飢婦人災甘氏曰戒在橋門之臣石氏曰賢士不用

日食在張

唐書天文志日食在張占為失禮

宋史天文志日食在張掌御饌者憂甘德曰貴臣憂

觀象玩占甘氏曰戒在山澤汙池之臣若今水衡也荊州占財庫官黜

日食在翼

唐書天文志日食在翼占曰旱

宋史天文志日食在翼王者失禮忠臣見譖

天文會通其政事不修於內夷狄則攘於外國將棄祀一曰其分人君荒淫治道不舉

日食在軫

宋史天文志日食在軫憂在將相戒車駕之官
觀象玩占貴臣七一曰國有喪